

3. Mokeli-keli Oa Mononts'a


Tšebeliso ea mokeli-keli ke tsela e bobebe ea ho fa lijalo tsa hau matla. Mokeli-keli o ka etsoa ka manyolo a semela kapa a liphoofofo. Sepheo mona ke ho fa lijalo tsa hau lijo tsa thlaho ka pele nakong eo lintseng li hola. Mokeli-keli ona le bohlokoa haholo ho lijalo tse hlokanang lijo tse ngata joalo ka k'habeche.

Mokhoa oa ho etsa mokeli-keli ka semela

Semela se setle bakeng sa ho etsa mokeli-keli ke se bitsoang comfrey. Hape u ka sebelisa mahaba/makhasi a matala, lehola le lehlaka. Qoba ho sebelisa limela tsenang le menkho e bohale. Ka ha limela ka ho fapana li entsoe ka likaroloana tse sa lekaneng tsa matsoai, hape le tsona linka matsoai a sa lekaneng mobung, khothaletso ke hore u sebelise mefuta e sa tšoaneng ea limela, hoetsa mokeli-keli.

- ❖ Hlatsoa nkho ea hau pele u e sebelisa.
- ❖ Bokelletsa limela ebe u li tšela ka nkhang. U tšoanela ho lula u ntse u eketsa limela tsena beke le beke.
- ❖ Beha lejoe holima limela ebe u kaohela nkho ea hau. Se ke oa tšela metsi. Limela tsena li tla iketsetsa metsi ka bo tsona.
- ❖ Beha nkho ea hau letsatsing ebe u e hloela kamorao ho libeke tse peli ho bona hore na limela ha li eso fetole 'mala li be ntšo. Ha u ka oa sekamisa nkho u tla bona metsi a matšo. Metsi a matšo a no ke oona mokeli-keli o etsoang ke limela, feela o loile haholo o batla ho kopangoa le metsi.
- ❖ Kopanya mokeli-keli le metsi ka tsela ena:
 - Sethopo:** Lekolokoti le le leng la mokeli-keli ho a mane a metsi
 - Lijalo tse kholo:** Lekolokoti le le leng la mokeli-keli ho a mabeli a metsi

Ha mokeli-keli o loile haholo, o tla chesa lijalo tsa hau. Beke tse ling le tse ling tse peli, tšela lekolokoti le le leng la mokeli-keli sejalong ha u qeta ho se tšella. Sebelisa lekolokoti le lekanang le botlolo e kholo ea jeme.




Mokhoa oa ho etsa mokeli-keli ka moiteli

Moiteli oka sebelisoang ke oa likhomo, likhooho, meutlanyana, linku le lipoli. U khotlaletsoa ho sebelisa moiteli o kopantsoeng le e meng.

- ❖ Tšela motsoako oa moiteli ka mokotleng ebe u oa fasa.
- ❖ Tšela mokotla oo ka nkhong kapa ka teramong, ebe u fasselletsa molamung kapa lerapong. Tlatsa nkho/ teramo ka metsi. Ho k'hilokrama e le ngoe ea moiteli, tšela li lithara tse leshome tsa metsi. Ka tsela e na re qoba ho kopanya metsi le moiteli kaha moiteli o metsi ha o oa lokela lijalo.
- ❖ Koahela nkho/teramo. Lula u ntse u fuluha ka mora matsatsinyana.
- ❖ Kamorao ho beke tse peli, mokeli-keli o tla be o lokile hore o ka sebelisoa. O flameha ho shebahala joalo ka tee e sa loeang. Pele o u sebelisa, u fuluhe haholo.
- ❖ Ka ha mokeli-keli o tlabe o loile haholo, u kopanye le metsi tjena:
Sethopo: Lekolokoti le le leng la mokeli-keli ho a robeli a metsi
Lijalo tse kholo: Lekolokoti le le leng la mokeli-keli ho a mane a metsi.

U hloka tse latelang:

- ❖ Moo u tlang ho tšela teng- nkho e kholo kapa teramo
- ❖ Mokotlana/’methe
- ❖ Molamo kapa lerapo
- ❖ Ntho eo u tlang ho fasa mokotlana ka eona



Ha mokeli-keli o loile haholo, o tla chesa lijalo tsa hau. Beke tse ling le tseling tse peli tšela mokeli-keli sejalong ha u se u qeta ho se tšella. Sebelisa bonyane lekolokoti le le leng / botlolo e kholo ea jeme bakeng sa ho tšela mokeli-keli sejalong se le seng. Qoba ho tšela mokeli-keli motšoare kapa ha ho chesa haholo.

Polasitiki e koahetseng

Teramo ea lithara tse
makholo a mabeli
(200l) e tlatsitseong
metsi

Molamu o tlang ho
fuluha ka oona

Mokotla o tšetseng
moiteli kapa limela
tsa boima bo ka
etsang
lik'hilokramatse
mashome a mane
(40 kg)